

SKUPŠTINA KANTONA SARAJEVO

Mersiha Mehmedagić, NAROD I PRAVDA

Arijana Memić, Samostalna zastupnica

VLADA KANTONA SARAJEVO

MINISTARSTVO ZDRAVSTVA KS

UNIVERZITETSKI KLINIČKI CENTAR SARAJEVO

### **PREDMET: ZASTUPNIČKA INICIJATIVA**

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosimo zastupničku inicijativu Univerzitetском Kliničkom Centru Sarajevo i resornom Ministarstvu:

**Da se pristupi izradi projekta sanacije i opremanja zgrade Instituta za fizijatriju i rehabilitaciju koja se nalazi na prostoru Općine Ilidža kako bi se građanima Kantona Sarajevo osigurala sveobuhvatna i kvalitetna zdravstvena usluga, a uposlenicima bolji uvjeti za rad.**

### **OBRAZLOŽENJE:**

Populacija ratnih vojnih invalida i demobilisanih boraca je odavno zaslužila imati jedan savremen Institut za fizijatriju i rehabilitaciju u Kantonu Sarajevo jer biološkim starenjem potreba za ovom vrstom zdravstvenih usluga dodatno raste.

Nemali je broj i civilnih žrtava rata, osoba sa invaliditetom, građana, a posebno mladih koji zbog stečenog ili urođenog zdravstvenog stanja, povreda ili operativnih zahvata često moraju usluge potražiti u privatnoj praksi, nerijetko i u drugom BH entitetu, dok uporedo imamo našu zdravstvenu instituciju u ruševnom stanju sa tek jednim obnovljenim dijelom nekadašnjeg prostornog kapaciteta.

Sa druge strane, u privatnom sektoru je izuzetno profitabilno baviti se pružanjem ovih zdravstvenih usluga. Samo nedaleko od zgrade Instituta je hotelsko-banjski kompleks u kojem se godinama na banjsku rehabilitaciju na teret budžeta Kantona Sarajevo upućuju pripadnici boračke populacije i članovi njihovih porodica. U ovaj kompleks, kao i u druge izvan Kantona Sarajevo samo u periodu 2021.-2024. godina uloženo je 4.300.000,00 KM, koliko je izdvojeno za banjsko liječenje i klimatsku rehabilitaciju, a za ovu uslugu se iz Budžeta Kantona Sarajevo izdvajaju sredstva preko dvadeset godina. Za taj period su svi subjekti koji su ovu uslugu pružali rasli, samo

je ovaj Institut propadao i da nije bilo donatorskih sredstava kojima je renoviran dio Instituta 2006. godine, danas bi to zasigurno bila potpuno ruševna zgrada u srcu Općine sa najvećim brojem noćenja u KS, Općine koja je upravo po termalnim vodama bila poznata kao lječilište po čemu je i dobila ime.

Ovo je investicija koja, ne samo da bi konačno zadržala javni novac u Kantonu Sarajevo i razvijala vlastitu ustanovu pruživši savremenu i stručnu uslugu prijeko potrebnu osiguranicima u Kantonu Sarajevo, nego bi se zadržao stručni kadar koji odlazi u privatni sektor ili u najgorem slučaju odlazi u inostranstvo, a za kojim itekako ima potrebe.

Investicija bi Kantonu Sarajevo omogućila dodatni oslonac za razvoj banjskog turizma za koji itekako ima prostora zbog komparativnih prednosti, termalnih voda, koje bi nakon dvije decenije napokon trebale biti iskorištene i za javni, zdravstveni interes, interes građana Kantona Sarajevo.

Sarajevo, 11.12.2024.

Mersiha Mehmedagić, zastupnica, s.r.

Arijana Memić, zastupnica, s.r.